



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Idem Titvlvs in 6. Capitulum I. Actor.

[urn:nbn:de:hbz:466:1-62587](#)

Nota I. Si citandus personaliter repe-
riri non potest, edictum citationis affi-
gendum est in valuis publicis. De hoc suprà
diximus in cpa. 3. Quærit h̄c gl. verb. Pro-
ximè si in citatorio terminus quadragesi-
mæ absoluè positus fuisset, an intelligi de-
buissest de proximè ventura, & rectè affir-
mat ex l. 41. ff. de verb. oblig. vbi dicitur:
sum qui Calend. Januar. se daturum re-
spondit, intellexisse videri de proximis, nisi
exadiunctis aliud colligi debeat.

Nota II. Papa demandare potest ali-
cui v.g. Episcopo, ut alterum Apostolica sibi
commis̄a auctoritate Romam citet. Quæ-
rit Panorm. līc. n. 7. Vtrum Commissarii Pa-
pales potuissent hoc citationis munus alteri
committere: & rectè responderet, quod non
potuerint. arg. c. vlt. §. vlt. De Officio Dele-
gati, vbi habetur quod nudum ministerium
alicui delegatum, si grauis momenti sit, al-
teri committi non possit. Quod verò in fi-
ne huius Capituli additur, edictum citatio-
nis per ipsos commissarios vel per alios pu-
blicari posse, id refertur non ad ipsam au-
thenticam citationem, sed ad publicatio-
nem seu affixionem edicti, quæ haud dubiè
per quoquinque officiales ac Ministros fieri
potest, tametsi id in commissione expressum
non sit, quia parum interest, num tale quid-
piam aliquis per se exequatur, an per alium,
tanquam secundarium seu ministeriale
executorem.

IDE M TITVLVS in 6.

CAPITULUM I.

Actor.

P A R A P H R A S I S .

Siactor, qui ad certum temporis terminum
citari aduersarium postulauit, ipso ve-
niente non compareat, postea adueniens
condemnari debet ad legitimas expen-
sas, quas aduersarius ob eam causam fa-
cere debuit; quod si iterum petat reum
citari, non auditur; nisi prius sufficienter

caueat, quod in termino constituto com-
pariturus sit. Debent tamen hæc limita-
ri, nisi justum impedimentum actorem
retardauerit, quo minus ad terminum
veniret, quia justè impedito tempus non
currit. Ceterum interuenisse impedi-
mentum, ipse, qui in mora veniendi fuit,
probare debet, vti Ancharanus in fine
huius c. docet.

S Y M M A R I V M .

1. Etiam actor censetur contumax, si in termi-
no non compareat, ad quē reum citari voluit.
2. Cautio quam præstare debet actor de com-
parendo, si Reum iterum citari velit, quo
prius ad instantiam illius jam citato, & com-
parente, ipse comparere neglexit, debet esse
ordinarie fideiussoria seu pignoratitia.

Nota I. Non tantum Reus contumax
esse potest, sed etiam actor, si in termi-
no, ad quem Reum citari procurauit, ipse
non compareat. authent. Qui semel. C. Quo-
modo aut quando; in modo maior est contumacia
actoris, quam Rei; prout dictum est in c. 3.
vt lite non contestata.

Nota II. Semel malus semper præsumi-
ture esse malus. Reg. 8. in 6. & sumitur ex fin-
e huius c. & l. Sic cui. 7. §. Isdem. ff. De ac-
cusat. vbi dicitur, quod qui semel alicui in
judicio calumniam intulit, iterum ad accu-
sandum admitti non debet, quia denuo ca-
lumniatur creditur: & exc. Literas. 13. de
Restitut. spol. Vbi vxor marito, qui ante in
eam exercuit securitatem, non restituitur, nisi
sufficienter prouisâ securitate. Debet autem
cautio de quā h̄ic sermo est, esse fideiussoria
vel pignoratitia, vti sumitur ex l. Ex mandato.
59. §. vlt. ff. Mandati. vbi distinguunt DD.
cautionem in nudam, & idoneam seu suffi-
cientem, illam vocant promissoriā seu jurato-
riam, hanc fideiussoriā seu pignoratitiā,
aut in aliqua dispositione cautio exi-
gatur, intelligi de nuda & simplici, si au-
tem sermo sit de idonea aut sufficiente, vel
de securitate debiti, tum exigi fideiussoriā
vel pignoratitiā, dummodo eam debi-
tor præstare possit, alioqui verò sufficiet
juratoria, vt si peregrinus vel pauper sit,
qui

qui jurare debeat iuxta *Authent. Generaliter. C. De Episcopis & Clericis. & tradit gl. hic verb. Sufficienter.*

CAPITVLVM II.

Eum qui.

PARAPHRASIS.

Si judice contra partem litigantem proferente interlocutoriam sententiam, v.g. dilationem petitam denegando, pars appeleret, & appellatione non admissa recedat, contestari censemur, quod nolit coram judice hoc litigare, quamobrem judex qui appellationem reiecit, non citata amplius parte, ad alia quae in judicio agenda sunt, immo etiam ad definitiunam sententiam justè ac validè procedere potest, præterquam si interposita appellatione renuntiauit.

SUMMARIUM.

1. Pars litigans denuò citanda non est, si satis contentata sit, quod nolit coram hoc judice, quantum hanc causam concernit, litigare; secus si tantum quoad unum articulum cause huius contumax sit.
2. Contra eum, cuius appellatio friuola judicatur, procedi potest, tanquam contra contumacem.
3. Ex tribus delegatis judicibus v.g. tertius etiam ad executionem citandus est, quavis ab aliis duobus in unam sententiam consentientibus dissentir.

Nota I. Si pars litigans sufficienter significarit verbo aut facto, quod coram judice hoc litigare amplius nolit, non est denuò citanda, intelligitur autem hoc, si appearat, quod totam causam agere detrectet. Secus, si ad articulum cause pars citata con-

tumax fuerit, tum ad alios articulos ipsamque sententiam definitiunam iterum citari debet, ut si notat gl. hic, verb. Non teneris. & videatur Anch. hic. q. 2. simile est quod docet Bart. in l. Sifinita. §. Julianus. n. 8 ff. De damno infecto. Si citatus dixit se nolle venire, quod contumax censeatur, ut amplius citandus non sit.

Nota II. Si judex estimet, appellatiō nem alicuius friuolam esse, tunc contra appellantem & recedentem (nisi facti pœnitens appellationi renuntiet) tanquam contumacem procedere potest in casibus, quibus id licet adversus contumaciter absentem, v.g. Si lis contestata sit, verumtamen si judex in hoc casu ad definitiunam procedat, is qui contumax reputatus est, contra eam intra decendum appellare potest, præterquam si prior ipsius appellatio à grauamine aut interlocutoria sententia, manifeste friuola fuerit. Cit. Clem. vnic.

Querit hic glossa finalis: Si constitutis tribus judicibus delegatis, duo consentiant in sententia, tertius dissentiat, atque sententia duorum executioni ab ipsis mandanda sit, num tertium citare debeant. Affirmat gl. & Ioan Monacus hic, sed Petrus Anch. q. 3. arg. h.c. negat: cum enim executio sit quidam accessorium latæ sententiae, ideo qui sententia contradixit, etiam executioni eius contradixisse censemur. Sed mihi placet sententia glossæ, quia cum duorum sententia tanquam partis maioris valida sit, non potest eam tertius refutare, quare licet antea se opposuerit, tamen postquam lata est, in eam consentire censemur; ideoque citandus est ad executionem eius, saltem si causæ aliqua cognitio requiratur, ut gl. marginalis, Dominicus & Francus admonent in fine huius Capituli.

TITVLVS XV. DE EO QVI MITTITVR IN POSSESSIONEM, CAVSA REI SERVANDÆ.

Propter contumaciam Rei interdum actor mittitur in possessionem rei petitæ, aut honorum debitoris, ideo postquam de-

contumacia dictum fuit, titulus iste congruenter ponitur.

bb 3

CAPI-